

*CH.* tu frater ubi ubi est fac quam primum haec audiat.

*PA.* visam domum.—

*TH.* numquid, Gnatho, tu dubitas quin ego nunc perpetuo perierim?

*GN.* sine dubio opinor. *CH.* quid commemorem primum aut laudem maxime?

15 illumne qui mihi dedit consilium ut facerem, an me qui id 1045 ausu' sim

incipere, an fortunam conlaudem quae gubernatrix fuit, quae tot res tantas tam opportune in unum conclusit diem, an mei patris festivitatem et facilitatem? o Iuppiter, serva obsecro haec bona nobis!

ix PHAEDRIA CHAEREA THRASO GNATHO

*PH.* Di vostram fidem, incredibilia

20 Parmeno modo quae narravit. sed ubi frater? *CH.* 1050 praesto adest.

*PH.* gaudeo. *CH.* sati' credo. nil est Thaide hac, frater, tua digni' quod ametur: ita nostrae omnium faulrix familiae.

*PH.* hui

mihi illam laudas? *TH.* perii, quanto minu' spei 'st tanto magis amo.

obsecro, Gnatho, in te spes est. *GN.* quid vis faciam?

*TH.* perfice hoc

25 precibu' pretio ut haeream in parte aliqua tandem apud 1055 Thaidem.

*GN.* difficilest. *TH.* siquid conlubitum, novi te. hoc si feceris,